

**Ilay Voa Tsara Nafafy 19 Jona
2019**

19 Alarobia

jona

Hihira ho an'i Jehovah aho, satria nanisy soa ahy Izy. Salamo 13. 6

Mitadiava an'i Jehovah, dia ho velona ianareo.

Amosa 5. 6

Tia anao Ilay Mpamonjiko

*Raha mba fantatrao moa hoe iza Ilay Mpamonjiko !
Namana malemy fanahy toy inona moa Jesosy Kristy, ho ahy !
Takany ny zava-manjo ahy, ary mihaino sy manampy ahy Izy ;
Mba tiako ho toy izany koa anie Izy, aminao !*

*Raha mba fantatrao moa ny fiadanana mamy sy lalina
Narotsak'Ilay Mpamonjy tato am-poko !
Ny fiadanana ny lanitra, tsy fantatra eto amin'ity tontolo ity,
Fiadanana mikoriana avy eo amin'ny hazofijaliana,
mankany amin'ny mpanota.*

*Raha mba fantatrao moa ny fahatokiana tanteraka
Azoko apetraka amin'Ilay Andriamanitra Mpiandry ahy !
Izy no Mpanafaka ahy amin'ny fotoana rehetra,
Sy miaro ahy raha itataovan-doza aho.*

*Raha mba fantatrao moa ny fanantenana azo antoka
Izay mampahery ahy sy mahatonga ny lanitra ho manga !
Rehefa miantso ahy ny feony feno fiandrianana,
Dia handeha ho eny aminy eny ambony eny aho...*

*Rehefa fantatrao hoe toy inona
ny fitiavan'io Mpamonjy io anao,
Rehefa nametraka ny finoanao amin'i Jesosy ianao,
Aza hazonina ho anao irery izany harena izany,
Fa ambarao amin'ny olona rehetra izay nataony ho anao !*